

丁未戊申已酉庚戌辛亥壬子癸丑此一句  
 中直符神上詣天東北門九宮之內拔出肉  
 人某魂魄付與身中悉令備具謹請甲寅乙  
 卯丙辰丁巳戊午己未庚申辛酉壬戌癸亥  
 此一句中直符神上詣天西北門九宮之內  
 拔出肉人某魂魄付與身中悉令備具謹請  
 甲午乙未丙申丁酉戊戌己亥庚子辛丑壬  
 寅癸卯此一句中直符神上詣天東門九宮  
 之內拔出肉人某魂魄付與身中悉令備具  
 謹請南昌宮中延命度厄君一人官將百二  
 十人一合下主為肉人某防保身命安魂定  
 魄劑除死籍定上生名倍倉益穀延命生算  
 扶衰度厄生悉布流拜章之後住宅清宜人  
 口康健災衰度脫永無天災罪負消除百靈  
 匡衛所請天官君將吏兵隨臣三會都章言  
 功舉遷以為效信恩惟

他臣謹為拜上乞恩章一過上詣  
 某天曹伏須告報臣誠惶誠恐稽首頓首拜  
 拜以聞

太上宣慈助化章卷之五



二篇同卷

靈寶淨明院行遺式

天樞院都司須知行遺式

聖王

靈寶淨明院行遺式

淨明院明演教誨用真人編

淨明符券式

靈寶淨明院外壇

本院今有某月分帝君神王官將及諸法

院神將吏兵等合給料錢符券赴

天樞院請領開具下項

一淨明院三十六帝君及神王官將八

萬四千寨主節貫甲馬等眾

如受別院神將依例畫一開具

右今給符券付淨明三十六帝君及諸神王

官將寨主節貫甲馬及諸法院神將吏兵等

請執符券詣

天樞院請領照會仍子細開具神將吏兵合

請料錢數目不管漏落神名依高下分明句

行儀散不請減少增多急意如  
太上洞神堂誓律令施行故券

太歲某甲子 年 月 日券

院 券頭用刺那符一道滿券亦用淨明法

印印二十四印

發券符申 天樞院式

靈寶淨明院外壇

本院今有今月某日帝君神王及諸法院  
神將吏兵合給符券詣

天樞院請領料錢須至申 聞者

右本院除已依

淨明經法出給符券付帝君神王官將及諸  
法院神將吏兵收執前去請領外謹具狀申  
天樞院伏乞

照會支給施行謹狀

太歲 年 月 日具位 狀

發申狀券符引式

靈寶淨明院外壇

今差天庫大神費申狀一道并符券上詣

天樞院拔下須至旨揮

右仰天庫大神前去分明投下依教請領料  
錢均行儀散不得住滯時刻如違罪有所歸  
急急如

太上洞神堂誓律令

年 月 日引

本院天庫大神

院 病人投狀式

某道某府某縣某鄉某坊巷居住奉  
大道弟子姓名

右某伏為本家某人年紀月日時生於某年

月日得患甚病醫藥無効切慮邪祟纏遂在  
身枉傷性命或夢中交住男女神鬼或因卜  
出子細於狀內詳說謹具狀投

靈寶淨明院外壇伏望

法慈救治施行謹狀

年 月 日具位姓 某 押

第一判狀差神將式於狀後批列神

差淨明神王官將押兵若干仰詳本人所陳

狀內事理火急押兵前去本人家監勒住宅  
土地司命六神子細於患人身中及住家四  
圍上下搜捉在身為禍作病邪神鬼祟男傷  
女亡土木山精樹草附木等神鬼牢圍擒縛  
送東嶽依

天條施行如有內外男女家親即仰發元  
來去處所屬收管不得藉來在身為禍及不  
得走透須要患人日夜痊安仍入夜分明顯  
現排換兵馬於本人家報應不得有違急急  
如

太上洞神堂誓律令施行

年 月 日 時遣押

此一狀於本壇發兵時燒

第二判狀式

付本人家土地司命六神仰詳狀內所陳事  
理火急不移時刻子細於患人身中及四圍  
上下搜捉為禍作病邪神鬼祟男傷女亡依  
軍附木等精怪分明收捉付差去神將吏兵  
押赴東嶽依

天律施行如是內外家親仰押赴元來去處

收管不得弄來為禍仍不得吝情蓋庇致令  
走透須管患人日下瘥安入夜分明於本家  
報應不得違滯如違申奏  
上天乞依

太上洞神堂律令施行  
年月日時違押

此一狀燒於病人家寬前

第三列狀式

差神將吏兵前去救治仍給符水治病

落日押

如病勢大即備本狀調如法用好紙寫牒  
如患人邪惡稍重似昏重只便令寫狀一  
紙後判請本州或本縣城隍主者請詳本  
人狀內事理大急差撥本廟得力了事判  
官管押本廟神將吏兵子細於患人身中  
搜捉云云兩前判語  
三狀如患人家獻紙馬等於後批云本人  
家今隨狀獻錢馬若干請分明受領如治  
病須將本壇應干神將輪次差撥  
勝神王治病式

靈寶淨明院外壇 牒 神王官將主者

本院今據某州某縣某人狀云須至公文者

牒請前項本人所陳事理疾速部押本寨兵  
馬前去某處城隍本廟大急差得力了事  
判官身極神將吏兵監勒本家土地司命六  
神須要子細於病人身中搜捉在身為禍作  
病邪神鬼祟剪傷女亡牢固拘縛搶赴天獄  
依給治罪施行日下須管病人瘥安使邪惡  
離體具悉其身不得吝情蓋庇致令閃避走  
透鬼業切慮狂傷性命不便除已別作施行

外不請將同常事切在依稟

淨明元降

指揮無輒有違故牒

太歲某甲子年 月 日 時牒

朱批 神王官將主者

具法位姓 申帝君式 戊申三十六神王

具法位姓 今據某州某縣某人狀某事為此須至申  
上者

右所據某人前項陳述謹具申

東縛百邪帝君 救治百病帝君 聖前伏望

聖慈差撥神兵將吏前去某人家同與本州  
城隍監勒本人家土地司命六神子細搜捉  
於某人身中為禍作病邪神鬼業不問親疎  
一例擒赴 天獄依

天條治罪施行仍乞放令某人日下瘥安分  
明於本人家報應謹狀

太歲某甲子年月日具位姓 某 狀

獻淨明院神將符水銀馬狀

靈寶淨明院外壇

本院今據某州某縣某人投狀為某人見  
患甚病投院乞行救治并乞行符水救治  
本人自燒獻金錢雲馬若干須至指揮

右本院除已差神將吏兵外今給符水付本  
人先次服食所有本人燒獻錢馬請

淨明院東縛百邪救治百病行符咒水符神  
符吏瓜明受此本人所獻錢馬疾速降臨真

炁入於符水之中使令病人服食符水入腹  
之後應有一切病悉邪悉及諸疼痛或寒或

熱瘧時疾等氣即便消散今病人真在集  
身邪悉離體速獲痊安不致違誤

太歲某甲子年 月 日引

朱批 淨明神將等

院 押

獻錢馬申狀式上七三九八  
節日月此式

具法位

金錢若干 雲馬若干

香茶酒果 普供素食等

右伏遇今月某日謹獻上

淨明院三十六帝君伏望 聖慈俯賜

鑒納扶教某行持符法治病驅邪呼召神將

立有應驗仍保扶闔家眷等大小安寧尋常

無事只乞保護壇場守衛人口謹具甲

聞謹狀

太歲 年 月 日 具位姓 某 狀

獻錢馬申狀式

靈寶淨明院外壇

當院某過某日燒獻金錢雲馬并供養素

食酒果香茶等普仰陳獻各開丹錢馬下

項

一淨明院神王官將靈官主宰判官典

若騰籍典籍使者等辰及節負甲馬

吏兵共化金錢若干雲馬若干

餘院神將依例列位各獻錢馬若干

右各請分明受領如遇本院行持符法治病

驅邪呼神捉鬼並仰疾速前來報應須要病

人日下痊安如押引判狀差使即時前去不

得誤事尋常仰在院保護壇場守衛人口不

得放令邪神鬼毒侵犯壇場纏繞生人各仰

遵依施行故牒

太歲 年 月 日 特牒

朱批 淨明神將等

具法位姓

桐弟子帖式

靈寶淨明院外壇

據狀云云當院所據激勿不欲抑絕除於

某月某日之辰開具法職印樣飛奏

師尊乞頒下 三界應于所屬去處修設

無違對 高具御前依科傳度訖准律聞

報淨明法部中帝君神王等眾并給付天

印及補受法職關具下項須至指揮

一補受某器具所受某職

一太上靈寶淨明經法語錄共三冊

一淨明法主之印一顆

一淨明之印一顆

一法劍一口

一法鏡一面

一淨明心印寶牌

一淨明記功過簿 面

一淨明法籙中帝君神王

一淨明法部中八萬四千靈官主將

一淨明法部中八萬四千節負甲馬

一淨明法部中功曹直符受事判官

右帖給付受法弟子某仰准律交割上件職

事掌行天印合屬帝君神王等在院輔助行

持道法救治王民疾苦精勤香火恪志修

崇無犯 科條有違 天憲每事正惡不得

慢易

太歲 年 月 日 帖

保舉傳教師位

姓名

度師九州都仙太史高明大使神功妙濟真君許在天

監度師三天扶教輔元大法天師張在天

籍師玄都御史吳在天

經師王孝恭順仙王諾在天

祖師孝道仙太史靈寶淨明黃素天陰元君在天

祖師孝道明王靈寶淨明天尊太陽上帝在天

戒牒文

上清靈寶十戒 牒某人

凡受 靈寶大法先明十戒

- 一執心平等不得自欺
- 二忠事君師孝敬天地父母
- 三仁慈及物貧儉節身
- 四清淨端直不得阿黨
- 五敬遵上法深信修行
- 六敬重鬼神不得輕侮
- 七凡所衣食皆足 元始祖炁不生外想
- 八灰水湯穢不得修飾
- 九口誦心拜無使形勞
- 十七日大定神光湛然見 王清境

右件戒文仰遵依奉行故牒

太歲 年 月 日牒

度師已下同前列之

奏度人經法補帖

靈寶淨明院外壇

牒某人狀恭聞

靈寶淨明宗王上帝降洞神堂昇玉局座

演說靈寶大法淨明經法黃素法流傳下

界濟度天人今來復見歐陽教師等奉

真旨編到 靈寶大法四卷乞傳授行持

本壇除已保舉繳奏 真師乞告下天省

關牒靈寶法內天具外合給帖者

一靈寶戒牒一道

一靈寶大法四卷

一道君法印一顆

一奏玄都省印一顆

一總監鬼神印一顆

一唯

格初階先具所授籤職補充參受

上清靈寶大法統攝三界邪魔皈正

管太玄都局事及請降靈寶神玉靈

官玉女吏兵等贊助行持

右帖某人仰遵 玄範克守誓言濟度天人

超拔苦爽有功之日進職

奉玄無或乖違自取譴答故帖

年 月 日帖

保舉師具位姓名

度師九州都仙太史神功妙濟真君許 在天

傳度付法物下項

呪印曰咒畢東方取炁一

神印具文上帝之符三界之信百靈是護守

而用之與道相合有負道者罰其九祖

呪鏡曰咒畢南方取炁一口

神鏡靈靈如法子心照天天清照地地平照

人人誠願我法子長如鏡明

呪水曰咒畢北方取炁一口

神水湛湛如孝子性流上則逆流下則順居

炁不盈自然而定願我法子長如水淨

呪簿曰咒畢取東方炁一口

簿書凡物可見其情出即事君上入即事父

兄非貧非淫唯具唯誠舉動書之無隱實情  
有違此誓如師此盟

呪法書曰 呪畢西方取炁一口

太上靈法度爾生死九祖飛天三尸棄體有  
能專心百祥來至仙階必昇雲天可全有違

科律如師此誓

呪丹書曰 呪畢東方取炁一口

太上靈丹方存官教九篇真文可以理顯去  
陰妄心慎汝聞見想之以成丹之九轉一年  
而生九年而變一飛凌空三年朝現有違此  
約災患立至如師此願

呪劍曰 呪畢西方取炁一口

神劍非鐵化炁於身取彼日月鍊以丙丁三  
年劍成斬邪戮人不殺無罪不伐忠臣有違  
此而妄用者如師此盟

次取炁一口吞之吹之如翅授父師專屬  
即拜長跪捧法物面向師前云

某得靈法法物具備親遇 聖師得此玄意  
今得至此恩實有自願我師父憫某愚意勉  
力共行志學無替如違此科某受鄧都考戮

及於九世師於此時慎無自棄

師授即拜拜次同跪祖師次謝上帝 炁

一口如傳弟子即逐一如上法方逐 度

過法物呪曰

願我學法子無失初學心上敬天地息次敬

君父情學之如有功與子皆飛昇設或慢師

教永劫入沉淪 炁一口 跪謝如前

戴日履斗法

用逐日日出時恰定剔起存象在頭履斗者

步斗也 轉七送冥發自丑左行

本壇逐月發券諸院神將下項

一淨明院三十六帝君及神王官將八萬四

千主者節真甲馬等眾

一天樞院四神八將靈寶判官童子吏兵及

考官神將等

一驅邪院神將及斗下考官三十六大神將

四直使者及吏兵等眾

一東嶽統軍神將助法神將並亞副大將兵

頭部伍長防禦龍神九獄主吏直壇威儀

使者兵府從事兵厨主吏四直功曹直壇

土地獄兵一千眾

一天寶靈書法部中神將吏兵天仙兵馬

一三五大都功錄中符使符吏功曹神將天

仙兵馬及吏兵等眾

保舉傳法奏狀式

具法位 臣姓某

右臣據求法某錄第子狀投臣壇乞傳受

靈寶淨明經法臣伏觀某人云云普願代

天行化助國救民臣今保舉堪充本院法官

堪行淨明經法事如後異同例依堂誓所有

某人投狀連粘在前謹具狀奏

靈寶淨明度師九州高明大使神功妙濟真

君道前伏望 聖慈允 臣所請早賜

報應別具奏 聞依格付度謹錄奏

聞伏候 仙旨謹奏

太歲某甲子年月日具位 臣姓某狀奏

報應記補職狀式

具法位 臣姓某

右臣據求法某錄第子某人狀投臣壇下乞

傳受 靈寶淨明經法臣於今月某日連狀

保奏訖已蒙 報應許賜傳度今補某  
太上某法籙忠孝法師行靈寶淨明經法充  
淨明院典籍仙佐外取會到某人合用  
太上淨明之印淨明法主之印及押字二箇  
連粘在前謹具狀奏

靈寶淨明度師九州高明大使神功妙濟真  
君道前伏望 聖慈允 臣所請奏聞

三境帝關師尊及頒降下 三界應于合屬  
去處照會施行仍告下淨明院依格差撥帝  
君神王元帥使者主宰官將節負甲馬等衆

前來某人壇下同共採救生靈疾苦於日下  
明彰 報應以憑收管謹錄奏 聞謹奏

太歲甲子年月日具法位 臣姓某狀奏

仁正感靈朱  
孝廉慈惠張

忠慎慈惠張

清正廉慎官

太上靈寶淨明院

當院今補弟子某充本院法官依例出券文  
付本人起昇仰收執前去

天樞院請領出身文字卷息如  
太上律令

太歲 年 月 日 時 券

院 押  
靈寶淨明院行遣式



天樞院都司須知行遣式

表格

臣某二人已上則云臣某等言云云臣某誠  
惶誠懼賀即云誠敬非辭未亦唯此頓首  
頓首辭云云謹奉表稱稱謝若賀或辭免陳  
乞不用狀者各隨 以聞臣某誠惶誠懼頓首

頓首謹言  
年 月 日具位 臣姓名上表

凡上表陳事皆用此式箋亦做此但易頓  
首曰叩頭不稱臣如南斗北斗已下用箋

奏狀式  
某司自奏事即具官某事云云自奏而無事  
用者於此便云右臣某云云如列數事  
即云右件如前云謹錄奏不列事尾便稱聞  
謹奏

年 月 日具官姓名狀奏

凡狀前及封面以黃紙貼事仍於狀前批  
中發日時應奏請事於年月日旁貼乞降  
付某處若借印者亦於此處開說差出者  
仍貼云臣今見在某處某月日發向某處

仍貼云臣今見在某處某月日發向某處